


OMUKWETU





Aagundjukangerki kOlukonda muKotoba numvo

Nda ti, omwe shi thiki nduno sigo openi kuume? Kongolo kwa shi eluwa lya tende lyo ethimbo lya thiki ngaa nee.

OkOlukonda nee lwaAndjelo ya-Negongo tatu yi. Utya KOonakambale noyana. Tashi ka kala ko, enkete to tala kuume. Uunona ukweni tau ku zile pUuninginino mpoka. Hwiya andola kaantu ya-Mandume ihaku popiwa we. Ayii, wa dhimbwa ihe ondhikwa koshilwa, aantu yaKapango kaMukuve, anove tava wiza asi, ipempa.

Aalukonda u ya wete, uumentu wa pyokoka nawa nee wa ndjanga oto ti ongolo yaKamulilo ya tula tayi lala. Ihe ngele nani itaa dhiginine otaa ka sindika kuumentu wokomulonga. Aakwangali itamu ya vulu. Ndishi ohaku ti nyeti iha dhininwa peumba lye, numvo Aalukonda kwiiloo!

Omakondobolo oko taga zinkoka tage ya ga lile ehete mOlukonda, Olukonda tuu!

Kala wi ilongekidha ongomukongindjila e li montanda. Ihe komeho gaayihe tu galikaneni omasiku ngoka ga kale ga yambekwa. Tu mone mo uuyamba wokomwenyo nomuzalo itaagu kwishi sigo omuukokele wetu wopalutu. Ethimbo lyuugundjuka olyo ethimbo lyokulongela Omuwa.

Omugundjuka ila, ilongekidha, ngoye u thike pethimbo lyo opala mongundu yaagundjuka oyaakweni kOlukonda muKotoba numvo. Ndishi oshinima shika shelalakano lyaagundjukangerki oshu uvitike nawa ngashingeyi nokaakuluntu wo-aagundjuka otaa longo oshilongatumo. Nena einekelo oli li mpoka kutya, ootate noomeme naamwameme ayehe megongalo, moshitayingerki sheni otamu mangle aagundjuka yeni sha pama mboka taa ka ya koshigongi kOlukonda, opo yaaka tyololoke sho taa ka kala aakonima miinakugwanithwa yawo moshigongi shiya.

Einekelo opo li li kutya, Kalunga ota kandula po iithindi yoludhi kehe mondjila yokuthika koshigongi. Kalunga ota vulikitha wo oonkambadhala adhihe tadhi ningwa nomafaneko omolwoshigongi shika, opo shi adhe elalakano lyasho medhina lye.

Nashi galikanenwe.

OMUMBISOFI Dr. AUALA

Omumbisofi Dr. Leonard Auala ngoka e li moshipangelo shaVenduka, otaku hokololwa kutya, ngashingeyi oku li nawa. Ota vulu okupopya nokulya. Ano ngashingeyi opu na ngaa etegameno ewanawa. Otu shi shi omwa kondjo nomagalikano, opo a pewe oonkondo te dhi pumbwa esiku kehe.

“One sho tamu ka longa iilonga yeni nge mwa shuna komagongalo geni, shi dhimbulukweni kutya, one aaleli yOngerki ndjika ayihe,” omumbisofi Dr. Leonard Auala osho a lombwele ngaaka aahiywa yoshigongingerki manga ya li ya gongala mongerki onene yaKahao.”

Moshigongi shongerki yaElok shomumvo 1969 shoka sha li sha gongala mOkahao, Ongandjera, omwa li mwa gongala aahiywa ye thike popepi 200.

Aakwashigongi shika oyo aasita yomagongalo gOngerki yaElok naapeha yomagongalo gamo mboka ya hogololwa kaakwanegongalo lyaandjawa nosho tuu aatumwa yOngerki ayehe mboka taa longo mOngerki ndjika.

Petameko lyoshigongi omumbisofi gwongerki Dr. Auala okwa ulukile aakwashigongi omuthika nelalakano lyawo moshigongi, sho a ti:

“One omwa hiywa mu kale aawiliki yOngerki omimvo adhihe tadhi landula sigo okoshigongingerki oshikwawo shoka tashi ka landula.”

“Oshigongi shika nonando tashi ka kala oshiwike shu udha osho nga etameko lyoshimpuyu tamu ke shi humbata omimvo tadhi landula” omumbisofi osho a ti ngeyi.

Pamauthompango oshigongingerki osha tamekithwa nelongelokalunga, nomeuvitho edhina lyoshigongi “Nonda mono tala ihe, okakambe okatokele” Ehol.6.2, oondunge dhomulyo odha hololwa nawa puu-yelele kOmbepo yaKalunga mokana ka Rev. Jason Amakutuwa sho a ti:

“Kristus oku li moshinyanga sha-Kalunga e na ondhimbo yosheela ta pangele omusindani pamwe nomuyengeli Mikael.”

Shika ongo sha pupyaleke oomwenyo dhaakwanashigongi noya dhimbulula kutya, ompumbwe yevitho lyevangeli mOngerki yaElok, oyo oshinima oshinene no-shotango.

Osha monika wo naampoka oshigongi sho inashi vula okwiidhimbika ompumbwe yomuyevangelithi omutiyali pamwe naRev. Efraim Angula. Kutya, oye olye, nota ka longa ngiini, osha thigilwa miikaha yEpangelongerki.

Ompumbwe yoshilonga shevangelithi inayi konekwa ashike mokati kaapagani, ngashi Ongerki otayi longo oshilonga shetumo maapagani, ihe oya dhimbululwa wo mooskola dhosoondaha, moongundumbimbeli dhaakuluntu nodhaagundjuka, miipangelo nosho wo miwikembimbeli paitayingerki.

Oshigongingerki shika oshitihama-no okuza koshigongingerki shotango uuna Ongerki ya pewa eipangelo, osha li sha etelwa oshidhildhilwa shimwe, ngele ope shi okuhogololwa omumbisofi omutiyali mOngerki.

Epulo ndika olya li po enene noonkondo, ihe Kalunga ota hambelelwa, oshoka naampoka Mbepo okwa gandja eyamukulo. Omawi 169 goshigongi inaga zimina ehogololo ndika, kakele komawi 18 gomoshigongi ngoka ge shi popile.

Onzapo ndjoka ya kala miigongingerki konyala ayihe manga Ongerki ya li petamekolela Rev. Sakeus Iihuhwa okwa ti kutya: Kalunga oku shi okuhambelelwa oshoka iigongingerki yopethimbo ndika omu na oyendji taa pangelwa kevangeli, ihe nale aantu oyendji inaa pangelwa ngaaka kevangeli.— Kuku Iihuhwa okwa li omukwashigongingerki shotango 1925.

Omolwokukoka kwOngerki niilonga yayo yi ili noyi ili nomapangelo nomaputudho gayo, okwa li wo kwa talwa Ekotampango nomauthompango kutya, otaga ti ngiini. Shoka osha kwatelamo eputudho lyaagundjuka niilonga yOngerki payakulathano (uudiakoni).

Oshigongi sha mono wo omayambeko ogendji ge shi zile maakalipo yomwamemengerki yomUushimba nenge kaatumwa yOngerki yetu mboka taa iilongo natango muSoomi nenge mboka ya galuka omasiku ngaka ngaashi tate Paulus Andreas nameme Elli Lokka ngoka ta longo ngashingeyi kuSwakopmund.

Oshigongingerki osha wilikwa komumbisofi Dr. Auala naRev. Josia Mufeti, ongomupehawiliki. Osha li wo sha kundathana oluhepo lwoongerki niiniwe yayo, uunene omagongalo ngoka itagaa vulu okutsakanitha iinakugwanithwa yago.

“Egongalo tali nyengwa nali dhimwe po, oshoka otali holola kutya, olya sa omuntu a sa iha kala mokati kaantu,” osho gumwe moshigongi a gandja omadhiladhilo ge ngoka taga koleke omauthompango.

Ongerki oyi na etegameno kutya, naamboka kaa uuviteko kutya, oye na oshilonga mOngerki yawo, Kalunga ota ka hwameka oomwenyo dhawo, opo ya ka longi yi itula mo ngashi ooyakwa taye shi ningi. **Omuwa Oye mwene gwOngerki.**

Eenghundafana pokati kaJesus nomunongomhango otadi tu hololele oshili ei kutya: Ohole yokuhola Kalunga nokuhola omukwetu oyo ondjila yokuya momwenyo waalushe. Eli enyamukulo kepulo lomukongi wondjila yexupifo. Omhango yaKalunga oyo tai ulikile omunhu ondjila yexupifo 5Mos.6:5 na 3Mos. 19:18. Ehuku louyuki olo ohole yopavali, tai fininike omunhu okulitula koshi yehalo laKalunga notai mu tula yo moilonga yeyakulo. Ohole yokuhola Kalunga nomunhu mukwetu oyo ondjila yokuya momwenyo waalushe 3Mos.18:5. Okushiiva akuke inaku wana. Omwene Jesus a hala omunhu a ninge ashishesho osho Kalunga e shi pula. Ota ti: "I wanifa, nde to kala nomwenyo." Apa otwa pewa oshihopaelelwa sha yela shohole tai twala momwenyo. Ohole yokuhola aveshe ya udifwa kuJesus oyo ewanifo loveta aishe 3Mos.19:33-34.

Epulo moteksti ei "Oolye va wana okwiifanwa oovakwetu," ola nyamukulifwa oshihopaelelwa she tu shitila efano lipe lomukwetu. Omukwetu a) omunaita naame, b) omukwanaluhepo, c) novanhu aveshe. Ekondjo ola hanga omweendanandjila. Ofye ovaendanandjila. Ovakwetu vahapu ova hangwa yo kekondjo mondjila ei yombuwa, tai di kuJeriko younyuni, ya yuka kuJerusalem meulu. Eembudi de va denga, de va nyeka omidjalo doukriste. Eitavelo ve li nyekwa. Va nyekwa okwiilika. Okulesha eendjovo daKalunga ve ku nyekwa. Owandaha yomeumbo ya nyekwa mo. Owandaha yomukunda ihai popiwa, oupundi va lika po keehedi poshiputu sha nakufyaandaha. Ohombo yavahapu ya nyekwa po keembudi. Oukumbu va ninga onyeki vomaumbo va nyeka po elao lomohombo yo vakwetu. Ombili yomwenyo ve i nyekwa. Ehalo nodjuulufi yokweendafana nOmukulili mOuvalelo Uyapuki ve li nyekwa. Eenghono ta di ya mo. Va wila po, va nangala, ve li pokufwa. Va ninga ovakwanaluhepo. Nakunyekwa keembudi okwa pitililwa po kovapristeri novalevi. Oonakunyekwa vomokati ketu ova pitililwa po kovafita, kovaevangeliste, kovalongi nokovakriste. Omaudjuu nomaluhepo avo ihaa monika, ihaa hangwa. Otava keme momaluhepo avo okomwenyo nokolutu. Umwe okwe mu mona nokwe mu filonghenda, a manga oipute yaye,

nde te mu hungu. Oshilongayakulo eshi shomokati kovakwanaluhepo. Ofye naove twe shi pewa. Ohatu teelwa tu va konge, tu va mone, tu va kwafe, moluumbo, momalukanda, moihakulilo, peekamba, nomeendjila.

Oveta yoshilongo shaKalunga tai ti: "Mu xunga! Eudifo levangeli olokuxunga. Eongalo olokuhakulafana 1Petr.4:8-10. Owa ninga tuu ashishesho osho Kalunga e shi ku pa? Owa pitililapo vangapi momudo ou? Ile ove ino ninga manga osho oshipango shohole tashi shi ku pula efiku keshe? Ovayakulikalunga atushe natu konekeni kutya, Jesus okwa filonghenda oonakudengwoipute. Jesus eu ya a mange oipute yetu. Jesus ta tile omahooli moipute yetu. Jesus e tu pa tu longe oshilonga shokuxunga vakwetu. Otu na yo omhito yokulongifa eedenari detu moshilonga shaye. Kristus nge ta aluka ta hange va xungwa ota futu aishe. "Na ove yo inda u ka ninge ngaha." Mikael Nengola

OTU LYENI MIITA IIDHIGU
Otseni aalumentu atuhe mboka tulyeni miilonga mehalakano, ano kondhalate, otu lyeni miita.

Otatu kondjitheni iilonga, opo tu taleni ngele tatu sindana. O, iita shili, oshoka miita ya tya ngaaka ohamu sile aantu oyendji. Nenge hasho? Osho shili, oshoka ohatu uvu nokuli nohatu mono wo aalumentu ooyakwetu yamwe nkene ya gwilwa komamanya nokiilongitho yi ili noyi ili noya sa.

Ihe nando ongaaka otatu yi ngaa, opo tu sindane andola, oshoka ngele twa sindana miilonga nena otwa sindi wo oluhepo.

Tala, mentu gwameme omugundjuka u li mehalakano nenge mOwambo, otse nangoye otatu tegelelwa tu kondjithe iita mbika yi li po ye tu thikamena oyo uulunde ano tu kondjeni ekondjo ewanawa lyeitaalo.

Iikondjitho ye tu oyo egalikano, tu homateni omagalikano. Iita yuulunde oyi li popepi, omukwetu owe shi dhimbulula tuu kutya, iita yuulunde ya gee? Nenge mukwetu oto ti koonkondo dhoye mwene oto sindi Rom.8:37.

Ooyakwetu aaholike tu kondjeni nokugalikana, opo tu sinde uulunde. Aatondi yetu oye tu thikamena nomagonga guulunde ya hala oku tu sigula. Ano tu kondjeni, opo tu sindane nuudhiginini, ngele twa sindi uulunde neso wo otwe li sinda.

Theo Muhongi

Okursus yotango yomoshitayingerki shOndonga otayi tameke eti-19.9.69. sigo tayi hulitha oshilonga shawo eti-24.10.69. Otayi ka kala mOshitayi. Omagongalo taga tegelelwa ga gongale mo ogo Oshitayi, Oniipa, Olukonda, Ontananga, Eheke, Okaku nOshigambo.

Okursus ontiyali yomoshitayingerki shOndonga otayi tameke eti-31.10.69 tayi kala sigo eti-5.12. mOnayena. Oonakugongala mo oyo yomomagongalo ngaka: Onayena, Oshaango, Onyaanya, Okankolo nOmuntele.

Otatu pumbwa omagalikaneno geni aamwameme. Aune Hirvonen

KUKU HILENI ELIFAS

Kuku Hileni Elifas Namupala a si eti-21.6.69 mOnandjokwe. Oshitu thi sheyapulo lyombila ye sha ningwa mOlukonda eti-23.6.69 sho J. Gweendama a lesa Rom.14.7-9. Omumbisofi tatekulu L. Auala. noofelani osho aapangi yokOnandjokwe, omukwaniilwa mwene gwo-shilongo pamwe naamwayina noomalenga ge naantu oyendji, oya li ya ngundumana pewendo nokuthindikila kuku noondjimbo oondjapuki ndhoka dha li dha hekeleke oomwenyo odhindji.

Omukwaniilwa Hileni Elifas oye omutekulu gwaNangolo dhAmutenya. Yinakulu ta tseyika nawa oye omukwaniilwa Martin Kadhikwa omumwayina gwayina Viktoria Kadhikwa. Kuku Hileni okwa vallelwa mOlukonda eti-6.10.1919. Okwa li e na okukalamwenyo kwa yambekwa kuKalunga. Aantu oyendjiyendji oya li ye mu hokwa unene. Okwa li a putudha omapipi ogendji. Aantu ota ye mu simanekele oondunge dhe nuuwanawa we owindji mboka e u ya ningile mokukalamwenyo kwe. Kuku Hileni okwa li omukwaniilwa omunandunge, omunambili, omwiifupipiki nokwa li eshi okwiidhidhimikila omaudhigu omanene ngoka ga li ge mu tsakaneeke aluhe.

Aakuluntu yakuku Hileni oya li ye mu simaneke shili omolwewuliko lye miinima iidhigu. Okwa li wo omukriste noku na eitaalo enene. Kuku Hileni okwa li omagano omanene gaKalunga mokati koshilongo shAandonga. Otatu halele kuku Viktoria Kadhikwa pamwe nolualo lwe naakwanezimo nookuume ayehe, aakuluntu naanonä, ehekeleko ewanawa kOmuwa gwawa.

Johannes Gweendama


Etalelopo Iyaasitagonga- lo pamwe nelenga muOranjemund

Olundji ehanganano ndika IyaC.D.M. ohali mono omatalelopo gaasimane kwa yomOwambo pomathimbo nomathimbo gomumvo.

Olwo lotango omumvo nguka 1969 twa yakula aayenda ya simana pehulilo IyaJuli mboka ya tumbulwa pombanda. Oye tu palutha nookundana dhevangeli Iyehupitho noshwo wo ya nywitha nawa omakutsi getu pakupulakena ehumokomeho IyOwambo pailonga yEpangelo epe noshwo wo omuthika gwelongo Iyoshigwana noshilalakanenwa shOnge-rki.

Aatalelipo nando ya li po yatano pamwaalu, onkene ngaa yetu thigile ohokwe yepulakeno nehalo enene, inapu holoka omvulwe. Omadhina gawo ogo nga: Rev. Petrus Shipena, Rev. Stefanus Mvula Rev. Sebulon Ekandjo, Rev. Natanael Shinana nelenga Johannes Shihepo. Olweendo nduka olwa li ando Iwomumbisofi Dr. Auala pamwe naambaka ya tumbulwa, ihe omolwoshiponga shekandomo Iyoshihauto a thigwa mombete yuwehamwe okutameka mOnandjokwe, Oshakati sigo a falwa nokuli kOvenduka.

Otse aamati yomehangano ndika IyaC.D.M, otatu dhimbulukwa tatekulu Auala koshipala shaKalunga kehe esiku, opo a aludhe omumati gwe a tsikile natango oshilonga shOmuwa shokulitha oonzi mepya Iye. Omagalikano getu naga kale omunzile pombanda yombete ye.



Etalelopo ano oshike? Efatululo otali ti: ohole yashili pokati kaantu yatatu. Omuntu nakuume muKalungana.

Halundji to talelepo omuniita nangoye, ihe mpaka otwa mono ohole onene meendathano Iyaamati yOmu-

wa pamwe natse. Ohole ndjika nayi mu shitukile omayambeko gaKalungana miilonga yeni sigo okuka-

lamwenyo kweni akuhe. Omatumbulo gomoohapu dhaKalungana mwe getu thigile naga mene mutse ga ninge omuti gwomwenyo. Okuyapo kweni nokushuna kweni inaku ninga kwahugunina, aawe, naku

tsikile aluhe komeho pamayenditho gOmuwa nogomapangelo. Mootungwa dhomilongelo dheni dha simana inamu tula mo evi.

Peha Iyaalange

E. Pendapala Auala



MOmbimbeli ohatu lesha mo uukuume wa David na Jonatan.

Mpaka mfano ndika otatu mono mo Aashiindiyema, Tobias Johannes nakuume ke Epafra Pendapala Auala, taa kundilepo ookuume ayehe, haa lesha Omukwetu, noohapu ndhika:

Ngoka a hala okukala kuume kuuyuni oye ta ningi omuniita naKalunga Jak.4.4,5.

Tobias Johannes

“One aahlume, ka mu shishi nani uukuume wuuyuni owo okutonda Kalunga. Ano ngoka a hala okukala kuume kuuyuni oye ta ningi omuniita naKalunga. Nenge mu shi oramata tayi popi owala mutse. Ombepo e yi tula yi kale mutse, ohe yi yuulukwa a suukodhi.”

Aasitagongalo Petrus Shipena, Natanael Shinana, Stefanus

Mvula, S. Ekandjo nelenga Johannes Shihepo oya thikama pamwe naalongi yomu-Shiindiyema moka ya ningi etalelopo muJuli naAguste

AAPUTUDHI, TU LONGELE- NI KUMWE

Otatu mu pandula one aavali aaputudhi pamwe natse, ooyina noohe yoshigwana shomongula. Tangi sho mwi idhidhimikile omayemato getu notamu ga taamba wo natango.

Iilonga yetweni yomapya oya pwa nokuli. Otatu mu indile mu tume aanona pethimbo koskola. Aanona naa kala pokati kaavali naalongi. Okulongela kumwe meputudho Iyaanona okwo uuyamba wawo pethimbo Iyoshigwana shawo tashi ki ilela shoshene. Ano uuthigululwayamba wawo yene. Otaa ka kala ya longeka shili, unene tuu sho oompito dheilongo Iyopombanda dha eguluka. Otaa ka yakulathana nombili, nuukuume nohoole wo. Eputudho Iyashili tali ka hwama momalualo gawo. Oshigwana shi na elago tuu shili!

Ano kambadhala waa faulithe okamwoye, okatekulu koye, sho wa hala oku ya koshituthi shontumba, ano itashi kwatha okanona. Ka thiminika shili, ka tsa omaye miini ma yo opala noyoondunge.

Kundathana naalongi u tseye aanona yoye ohaa kala ngiini moskola. Kotoka waa ambe omulongi paa-moye. Dhiginina omikalo dhOshigwana hadhopashingolo, oshoka aaputudhi yamwe aangolo oyo haa hokola aantu puunona.

Onawa aalongi sho tu na ehalo ewanawa okukwatha omukuluntu kehe gwokanona nokukundathana naye. Ano tu tuleni uulungu kumwe opo oshigwana tashi uupikwa moondunge muunongo, mombili nomoshili.

Komeho gaayihe tu longeni shili nokutaalela nguka e tu ithana mo muulunde Jesus Kristus, Oye ondji-la noshili nomwenyo.

OSHIGONGI SHOMONDONGA

“Omuntu ngele ina valululwa ita wapa okuya moshilongo shaKalunga na kale nando olye,” omuwiliki gwaagundjuka yOngerki a ti moshigongi shaagundjuka yoshitayingengerki shomOndonga.

Moshigongi shaagundjuka shoka sha gongala mOnguta omusamane Kleopas Dumeni okwa popitha aaguundjuka naavali mboka yi ile okutala aagundjuka yawo, shono taye shi ningi, nokwa ti:

“Natu dhiladhileni evalululo lyetu yene. Ihe tu dhiladhile muuyeleele woshilongatumo kutya, omuntu ngele ita shashwa nenge ita valululwa ita yi moshilongo shaKalunga.”

Oshigongi shika osha li sha kala omasiku gatatu, noshikalimo osho oonkundathana dhokutunga Ongerki pamukalo gokuvangelitha evangeli nenge okulonga palelo lyegumbo lyaKalunga ngashi sha fatululwa nawa komudhiginini gwiiniwe yongerki M. Ngipandulua.

Kombinga yawo oya li ya longekidha omahokololo omaimbilo no-sho wo iimaliwa yoongalo dhawo.

Manga oshigongi sha li po natango inaashi halakana osha li sha mono ompolo ndjoka yokutalelwa po kaayenda yomilongo 78 mboka ye endeke konyala nOwambo ayihe.

Oya li taa pulakene oondjimbo. Iipala yawo oya li po tayi adhima kenyanu okutala aagundjuka Aawambo ya gongala pamwe, nokupulakena elalakano lyehangano lyaagundjuka Aawambo tali fatululwa komuwiliki gwawo Dumeni.

Oya li taa pulakene oondjimbo nomahokololo gaagundjuka nohokwe, ongomuntu u li piikulya iito ye ngoye wa sa ondjala. Oya li naanaa mOnguta taa pakelwa po onguta kaagundjuka yOngerki yaElok.

Itatu dhimbwa omakundo ga zi kiitayingengerki yilwe, kakele kOkavango, ngoka ge etelelwa mohungi yetu kumeme Keth Sainio pamwe neta nga lye mOnandjokwe.

Owala

Konima yonhaulula Kwinya kwa fila Kayala

Ongonga yokapekwa yaMelulo

Yoondilokelwoshima ihai iwa nashilundo

Shako oko to shi hanga Kowala tau tw'onhisha 2

Okwa totela Kaputu ndee nashi ka tye Olupito

Evate nopeengolo nopeenhunhu domesho

Iho itavele ino mona Kayala iha lu nokunipuka

Koinyenye tai ndjandjalwa ongeno ihai yad'okaandee....

3

Okiihole twa halele tu ke li deng'eednjebo

Keenghambe tu va konyone tu ka ulule outoni

Oto lipula nongunga nonghumwe to li diladila

Nolwahugunina kandi na we iitya yokuhokolola omakundo ga zi mepya lyetumo Onankali - nandi tye ashike okulongela Omuwa okuwanawa.

Mpaka otapu landula efaneko lyokukondja momagongalo pandjimbo pamahokololo nosho tuu pagongelo lyiimaliwa.

Moondjimbo 1 Olukonda

2 Oshitayi

Momahokololo 1 Eheke

2a Omuntele

2a Okaku

Iimaliwa 1. Eheke R100-00

2. Olukonda 65-00

3. Oniipa R60-00

4. Oshigambo 57-00

5. Okaku 51-00

6. Oshitayi 50-50

7. Onayena 43-00

8. Omuntele 42-00

9. Onyaanya 18-00

10. Okankolo 16-61

11. Ontananga 15-30

12. Oshaango 10-00

Ongalo yaagundjuka 23,10

Omalweendo 61-30

Sumina pamwe naayenda 55-22

Ayihe kumwe R667-03

Okulongela Omuwa okuwaanawa.

Sakaria Nghikongwa



Lot. K. Shikukutu ota ti: omugundjuka, tala evi lyoonyoko nkene lyo opala!

Ove kOndjiva kwa li ko ngeno owala we u tonga

4

Uha lombwelwa notuwa, fye epapa hatu kondjele

Okufya shi dule oupika osheendo shi yadi tuu ndo

Mandume ngashi mu twaalele kOdibo nd'okwa toka tuu to

Oshende natu yi imbeni.

Urias Nd, Ndilula

Elalakano lomunyasha keshe

Omukulu wonale okwa tile: “U he na mhaona ku na oilya, u he na omu-tanda ku na ngombe.”

Ovanyasha ofyeni omutwe woshiwana. Exumokomesho letu nali hovele meendunge diwa moimima aische moshiwana shetu. Tu kedambaleni tu yandjeni oshihopaelelwa shiwa kepipi olo tali tu shikula. Opo oshiwana shetu shi kale shi na elao neyambeko laKalunga. Tu kaleni neendunge diwa nomesho eshi kutala osho tashi eta elao ile eshunduko moshiwana shetu.

Omunyasha keshe omumati ile okaadona ota lalakanene okukalamwe-nyo kuwa ku na elao. Ndishi keshe umwe oku na elalakano a kale nokuputuka kuwa a ka longele oshiwana neumbo lavo pahalo laKalunga? Hasho naanaa hatu wanifa, osheshi mokati ketu omu na ovo tava kandulapo ehala eli. Ope na ovo tave li kondjifa unene li ha kule mu keshe umwe.

Vahapu omalalakano avo okwa teka po nale. Oukoshoki wokolutu wa kana yo. Omaluhepo okolutu a holoka kuvo. Eshi osha dja peni mbela? Omolwasho va dina oinima yimwe oyo tai dulu oku va kwafa pefimbo eli.

Tu taleni omunyasha oo ina mona omhito okukala meefikola odo dakula. Okukala kwaye peumbo oku na omalalakano oo i na wapala kuye. Oku udite oonyuni owe muxulila. Vamwe ve likongela eemhito di lili noku lili node va twala monghulo mwii.

Fyeni ovanyasha vopaife otu na elao eshi twa mona omapukululo mahapu oo taa dulu oku tu kwafa momaluhepo etu. Eendunge nounongo otwa pewa momaongalo etu, ngashi okutunga, okuhondja oikutu nokuhonga yo omipini. Va li eshi tu li po ovanyasha tu na eenghono otatu dulu okulongela ovanhu, opo tu limonene sha.

Aische ei oyo oiikeleliluhepo kwoove. Ou wa kala moyoongalele yovanyasha ou shi shi aische ei twa tonga otai ku kwafa shili. Ove inda nee ponele opo pe na eendunge domalihongo, opo u li kole po eendunge u li kwafe nado, ove u kwafele oshiwana komukalo muwa.

Kalunga yo ta tondo ovananyalo. Kwa tiwa: “Ou eshi kulonga ouwa ye ite u longo oku na etimba. Ove nee ngaho?”

Tu longeleni Omwene manga tu li ovanyasha nomake etu.

E t h i g a t h a n o e n e n e

Oomvula odhindji dha piti po aantu oya kala taa tungu owala uugumbo womombepo nkene ye na okutunga osheenditho shomombepo. Ihe muule woomvula 10 lwaampoka omuntu gwotango okwa lyata oompadhi dhe komwedhi.

Ruslanda olyo lyotango mokuumba oshituki shalyo "Spoetnik 1" 4 Kotoba 1957. Nokuzi mpoka Rusland naAmerika oyu umbu iikuti mombepo yi vule 3,500.

Nge taku talwa ashike mbyoka ya li ya simana ongashi Spoetnik 1 naSpoetnik 2, shoka sha li shotango okuumbwa mu na oshinamwenyo, ihe osha sile mo.

Oshikuti shAayamerika oshu umbilwe lwotango 1958. Ihe oshituki shOmurusia osho sha li shotango okwiipuma komwedhi. Osha ningilwe muSeptemba 1959, nedhina lyoshikuti oLuna 2.

Momumvo 1960 momwedhi Aguste Rusland okwa tumu ko oombwa mbali Bilka na Streilka moshikuti shedhina Spoetnik 5. Oombwa odha galukile nomwenyo. MuApilili 1961 natango Omurusia Joeri Gagarin okwa umbwa noshikuti Vostok 1, no, kwa galukile kevi e li nawa. Omuyamerika gwotango ngoka a umbilwe ngaaka mombepo okwa li John Glen noshikuti Mercury 6, konima yethimbo efupi lyaGagari sho kwa umbilwe.

Rusland okwa landulitha ko ishe-we iikuti iyali Vestok 3 na Vestok4 pamwe naalumentu yomadhina Nikolaijef naPopevic. Pethimbo ndyoka Amerika okwa taalele manga o-

shipala she konyothi Venus (Hungilila), nkoka a tumu ko oshituki she Meriner 2 muAguste 1962.

Rusland oye omutango okutuma omukiintu mombepo moshituki she Voskod2, oye Velentina Tereskava. Nomomumvo 1966 momwedhi Januali, oshikuti shaRusland osha gwile nombili komwedhi ihe kamwa li manga omuntu. Osho sha li Luna 9.

Uuyeleele wondjila yokomwedhi owa monika unene muApilili 1968 uuna oshikuti shAmerika Surveyor 3 sha tuminwe ko noshipala shomwedhi sha minikilwa nawa. Nonkambadhala yotango yokutuma omuntu komwedhi ye a galulwe ko ishewe oya ningilwe kuRusland niikuti mbika Zond 5 naZond 6, noshali she ende nawa.

Apollo 8 osho oshikuti oshikumithi shi vule ayihe ya tetekele. Osho osha tuminwe kuAmerika pamwe nomuntu, oshoka osha vulu okuya sigo omuuyuni mbwiyaka womwedhi.

Shoka osha ningilwe muDesemba 1968. Opo ihe konima yoshikuti shika okwa tumwa Apollo 9 naApollo 10 Ngika Apollo 11 kehe gumwe okwi i uvitile ko.

Amerika ota ningi ngiini ngashingeyi sho a tsakanitha elalakano lye? Okwa hala okutsikila ondjila ye ndjika e yi hulithilile ondjila kati okuya kuVenus. Shimpa ngaa wa shoka omakutsi; oto ka pulakena.

Omaumbo amwe otaa ka kala momhepo

Apollo 11 ota ende eemaila 25,000 motundi imwe. Taku pumbiwa osheendifo shokweenda eemaila 187, 300 mosekunde ile eemaila 670, 680, 000 motundi imwe. Kasha li sha itavelwa omunhu a fike kOhani momudo 1957.

Paife taku diladilwa osheendifo tashi dulu okufika kOhani meevili 3.5, omafiku 2-83 okufika ketango, omido 3 fiyo 6 okufika konyofi oyo i li popepielela, omido 19.7 okufika kekaladidi.

Amerika ta ka tunga oshashiyona momhepo eemaila 250 okudja kedu mo 1970. Onhele oyo otai ka kala kovalumenhu 12 ovo tava ka kala mo omafiku 28. Oshipana 2 yovakonakoni veshito neenyofi otava ka shikula ko notava ka longa omafiku 56.

Pefimbo lomafiku oo oyeendifo yomomhepo otai kala hai twala ko omhepo yokufuda noikulya. Shiimba meendula 10 tadi ka shikula onhele oyo tai ka nenepekwa i wanne kovalumentu 50. Eekombifa neenhele dokunangala nodokukonakonena, ile okuminikila momhepo, ile eenhele dokutululumukilwa otadi ka tungilwa mo monhele oyo. Opo ounona nooina otava ka mona yo omhito yokuya ko. Venus naMars oyo elalakano lokufikwa.

OITENDELE


Mounyuni omu na oitendele hai liwa. Oonakuya koitendele ohave lilongekida okufika diva. Opo va ka fike pefimbo liwa loikulya vaha hange oyondja ya liwa po nale.

Vakwetu otwa shiveni nale tuu oitendele iwa noya fimana twi pewa twi lye fimbo tu li mounyuni? Tate Kalunga okwe tu dikila oitendele ya kola noya fimana hai kala ko lumwe moshiwike keshe.

Oitendele ya tya ngaha oyo Oshondaha. Mush ohatu li eendja domwenyo. Haiti waima, ngenge wa hanga elongelokalunga la pita, shihapu she ku pitilila nee kaume. Omukriste keshe kala u shi ishi ngenge to i kOngerka oto fala omwenyo woye u ka lye. Nomelongelokalunga eemwenyo detu otadi koshwa. Eedjovo daKalunga tadi tu kosho owii wetu aushe.

Omukriste ito kolo ngenge iho shakene nOmwene woye koshililo shiyapuki, okumakela olutu nohonde yaye.

Laban Nangaku



Neil Armstrong oye omutango mondjokonona yuunongononi a lyata oompadhi komwedhi eti-21.7.69.

Edwin Aldrin omudhiginini gwokashina hoka ya thiki nako komwedhi yo naArmstrong sho yi ikutha meshina enene noku ya komwedhi.

Michael Collins oye a li a takamitha eshina enene ndyoka lya kala medhiingoloko lyoumwedhi ethimbo alihe uule womaila 60 - 70 okuza komwedhi.

AMERIKA A LAMBELE KOMWEDHI MUJULI 21. 1969

Omuntu a lyata lwotango oompadhi dhe komwedhi. Kakwa li nando omuntu gumwe ngoka a vulu okukala kOmwedhi muule woomvula omayuvi dha ka pita.

Ihe ngashingeyi osha lunduluka okuza muJuli 1969, sho oshituki shAmerika shi na aantu sha lambele lwotango komwedhi. Aalumentu yaali oya li yi ilongekidha okuza mOshituki shawo opo ya lyate oompadhi dha-wo lwotangotango kOmwedhi noku gu konakona.

Aalumentu oya kala uule wootundi 15lwopopepi nOmwedhi, ihe inaagu thika gwogwene noku gu koneka ka-kele kaashoka ya talele muukende wOshituki shawo.

Oya kala nokwi ipyakidhila noshituki shawo, opo pwaa holoke oshiponga sha sha uuna taa lambele. Oya tala wo ehala 'yokulambela. Oshituki shika osho sha kala egumbo lyawo pethimbo lyootundi omilongo mbali nane ndyoka ya kala kOmwedhi. Osho wo osheenditho shawo okushuna meshina enene moka ya zile mo.


Pehala mpoka ya li ya dhiladhila opo taa ka thikama (pefuta lya mwena) hapo ya thikama, ihe oya thikama pehala pwaa na omamanya, pwa yelekana nawa.

Aalumentu mbaka oyi izaleke nawa nondjungu omizalo dhoku ya kwatha uuna ya za mo moshituki shawo. Oya tegelele wo nombili elombwelo lyahugunina li ze kevi.

Eshina enene moka ya zi mo olya hedha popepi nOmwedhi oomaila omilongo 60-70 Olye ya kwatha mokuthikitha omatumwalaka gawo taga zi kevi, oshoka oya kala melongelo kumwe naantu mboka ye li kevi.

Sho ya mana okuzala oya egulula osheelo shotsa yawo, opo ya pite. Neil Armstrong oye a zimo tango nokulyata lwotangotango oompadhi dhe kOmwedhi. Okwa tegelele omukwathi ngwe Edwin Aldrin a ze mo nokukatuka wo kOmwedhi. Oye gu nongonona nuotalambambi. Neil okwa dhike ko ebandela nokwa tula ko wo omedaliye noshipapa sha nyolwa ngeyi: Opo mpaka omuntu gwokoplaniete Evi nombili yuuntu auhe kombanda yEvi a lyata oompadhi dhe lwotango kOmwedhi muJuli 1969." Oya tula ko wo iinama yilwe.

Mokunongonona nawa uuyuni wOkomwedhi oya ndhindhilike oku



Oshituki shaAmerika shoka ya lambele nasho kOmwedhi otashi monika mpaka. Kolumoho otaku monika Neil Armstrong nguka a tyata tango kOmwedhi nevi lya fa okatanga mombepo. Kolulyo otaku monika Edwin Aldrin ta zi moshituki.

na omamanya nolwaala lwago ngashi wo lwevi ndiyaka olumbundumbundu. Evi lyo lyene wo olya fa ombundu. Mokweenda oya dhimbulula nkene ya fa taa lyata okapale okanamumotomoto.

Mokulengalenga oya mono Evi lyetu tali idhingoloka mondjila yalyo. Omilema tadhi siikile ombinga yimwe yEvi nombinga onkwawo tayi adhima. Meopalo lyEvi tamu monika nawa uumbulau womafuta nuundjimbi woondundu dhokEvi ndika tu li, niikogo iitokele. Uuna ku na omilema, uuyeleele woonyothi tau minikile kashona kEvi.

Konima yinakugwanithwa yawo sho ya pu, oya shuna mokashina kawo. Oya li iikulya yawo, noya kotha uule wootundi hetatu. Oya penduka noya kambadhala noshituki shawo ya tale ngele taa shuna kuCollins ngoka ya thigi meshina enene ndyoka lya li medhiingoloko lyomwedhi ethimbo alihe ndyoka Neil naEdwin ya kala komwedhi noku ya tegelele, opo ya wape okushuna kEvi ndika. Oya li ya galuka nawa. Oya pewa omasiku gamwe okwiikalela mehala lyi ikalekelwa, opo pu monike ngele oye etelele ko oombuto dhomavu gontumba dhokuuyuni mbwiyaka womwedhi.

U LILIFA IHO LIKANIFA

Ookaume amushe ava mu na oyeendifo yomaludi eli li noku li li. Ohandi mu kumaida nomwenyo muwa mu lungame alushe mokulongifa oyeendifo yeni. Oihauto, omapakapaka neembashikela oyo oyeendifo oyo hatu longifa alushe.

Oyeendifo ya tya ngaha oi li po ya duka okweeta oiponga nokunyonapo nokuli ovanhu. Vahapu oovene voihautu tava lalakana mokushinga kwavo. Va ti vo ova deuka nawa mokushinga omatuwa avo. Ta, kaume kange kotoka shili moshinima eshi. Xupifa eemwenyo dihapu we di xumbata metuwa loye. Lungamena yo osheendifo shoye opo shi ku longele efimbo ele.

Omulondi wombashikela kotoka naave yo omoshiponga u li, osheeshi u hole okulonda ombashikela yoye wa efa keembinga dayo. Xupifa omwenyo woye komukalo muwa, ove u ha tule mukweni moshiponga ou ta piti po netuwa laye.

Kotoka u ha teye po oshihauto shoye ove u xupife okambashikela koye, opo ke ku kwafe efimbo le ku wana. Kaleni mu na elongelokumwe novanhu aveshe.

A. Nd. Kandume

FYE OHATU POPI

Paulus ota popi nomufindo ei yomuKalunga. Fye yo ohatu popi hatu hokolola shashi osho oshilonga shomukriste keshe okuvadimifa edina Iomwene keshe apa e li. Otaku tiwa: "Elaka keshe nali fimanekke Jesus Kristus oye Omwene." Kalunga ohatu mu fimanekke moku mu hokolola mokati kovanhaveshe. Mokukala kwetu tu dimbulukwe kutya, otu li meameno laye onghee tu mu fimanekeni alushe.



Omufitaongalo Johannes Hamulungu nondenge yaye F. N. Nakanhue

Opu na omhango ei tai ti: "Keshe tuu ou ta tumbula edina Iomwene na efe amatimba." Fye itatu fi ohoni okuhokolola eendjovo domweno waalushe. Omwene ne tu pe omhepo nehalo liwa oku mu longela.

F. A. Nakanhue

UVENI ELAKA LYEHUPITHO

Mevi lyetu omu na ombinzi tayi tika, omakatana noomwele, edhipagathano enene shili li li mokati ketu tali kongo ombili. Oshinama shika osha holoka sho aantu ya kanitha eitaalo notaa kongo ombili noya hokwa uulunde. Ombimbeli otayi tu lombwele uulunde owo eso, ongoka e u hokwa oku li meso. Inamu kukutika omwenyo dheni ngele tamu uvu ewi lye. Otseni ooitaali tatu lombwelwa. Ano longekidha egumbo lyoye Omuwa oku li popepi za ontuku uulunde lalakanena ehupitho lyomwenyo gwoye. Konga onguwo ombwanawa tayi fala komwenyo gwaaluhe.

Sebastian Ilonga

Igandja kuYe opo u ka thikithilwe megwaneno lyaana yaKalunga.

Ava ovanyashamati ovo tava longo muKombat ova kala ovadinini moshongalele shavo. Ove li twika o-ndjila opo va ka talele po vakwao vomOtavi omafiku aa adja ko



Ovanyasha muKombat

Ovamati vetu ovanashongalele shovanyasha muKombat ove tu etela oikulya yokomwenyo nova hakula eemwenyo detu, nomaimbilo nomahokolola oyodjovo daKalunga.

Omu mOtavi one ovanyasha vongerki yetu yOwambokavango longeleni Omwene nehafo manga pe na efimbo. Djaleni oilwifo yaKalunga mu dule okulwifa ekonda lomulodi. Ngashi onhenda tai kala naaveshe ve hole omwene wetu Jesus Kristus nokudiinina eedjovo dOmwene moku mu teelela, osho nanye mu kale.

F. Nghihalwa

Erkki M. Kamati Swakopmund ota ti: One oonakulongela Omuwa, kaleni moshilonga sheni nuudhiginini. Oshilonga kehe oshOmuwa, onkee nakulonga kehe ni itule mo mushoka ta longo, ano ino dhiladhila oshilonga shoye oshowala.

Omutondi gwetu ote tu hundjune e tu ninagule po. Omakoto nomaheko ge ogendji note shi ningi nomukalo omwaanawa natse tatu nyengwa oku shi dhimbulula. Tukotokeni.

OMUKWETU

Oshifo shOngerki onkwaevangeli paLuther yomOwambokavango
Die Tydskrif van die Evangeliese Lutherse Ovambokavangokerk
Oha zi mOniipa.

Omukuluntu gwoshifo/Hoofredakteur Omumbisofi Dr. Leonard Auala,
Amushanga/redakteur S.Ekandjo
Ondando komumvo mOwambo 70c kUushimbanOkavango 90c

Kombanda yomafuta R1.30.

Oondando nomambestelo naga tumwe kOmukwetu.

Oniipa, P/B. 2015 Ondangwa, S.W.A.

Oshinyolwa shuule

wondeimi	1	otashi futilwa	R1.00
oondeimi	2	-"	R1.90
oondeimi	3	-"	R2.70
oondeimi	4	-"	R3.40
oondeimi	5	-"	R5.00

Oto vulu okutuma efano lyaashoka wa hala shi tseyithwe nomatumbulo wo gasha ngele ope na.

The Finnish Mission Press Oniipa
P/B 2015 Ondangwa S. W. A.

Omasiga ga kutha kó kokandingosho

Mokuputuka kwandje okwa li ndi hole okukala paakuluntu yandje nyanyu. Otwa paluthwa naashokasha monika po, notwa nyanyukwa. Twa kala tu uvite elago nuugumbo sho twa tala meme natate taa tu ihepekele koombinga adhihe nohole yashili. Otwe ya yakula wo nuupenda pauunkondo wetu wopakanona. Ombili nuukuume owa li wa monika nawa momagumbo pethimbo lyepatudho omimvo dha pita.

Aayenda oya li ya yakulwa nohole oyindji pethimbo ndiyaka. Aanona twa pewa wo uunakugwanithwa wetu, opo tu kwathe aayenda kombinga yetu, notwa li twe shi nyanyukilwa. Osho tuu sha kala nonena?

Oomeme oya kutha mo omasiga gawo momagumbo noye ga fala kuundingosho. Aanona itaa paluthwa we pethimbo ngashi kwa li nale. Aakuluntu oye li poondingosho taye dhi teya ye na omahalasa pomake gawo taa ti uuyuni wa gwanapo. Nani ehalasa oli na ondilo nuuthemba wa gwana li vule oluvalo lwoye megumbo?

Taleni oonakuvala ne, kolekeni uuthemba womaluvalo geni mwe ga pe wa kuKalunga omagano. Omukulukadhi ngoye, galula omasiga goye ga shune megumbo. Kwatha, ngu yakule aanona yoye nohole yashili. Omusamane iimpwiyika nuupyakadhi wegumbo lyoye, opo ayehe megumbo ya kale ye na elago. Kaleni aagwanithi yiimpwiyu yeni iishona, opo mu vule okutonatela iipewahenda yomegulu uuna mwa thika mo.

G. Sh. Namupindo